

四庫全書

集部

欽定四庫全書

集部

唐詩鼓吹卷三

四

詳校官中書

臣

呂光復

助教臣常循覆勘

覆校官中書

臣

張虎拜

校對官助教

臣

胡予襄

謄錄監生

臣

吳之承

欽定四庫全書

唐詩鼓吹卷三

元 郝天挺 註

陸龜蒙

字魯望舉進士不第遂放浪山水間號江湖散人又號天隨子甫里先生後以高人徵不

就今有笠澤叢書三卷并詩文十六卷行於世

憶白菊

我憐貞白重寒芳前後叢生夾小堂月朶併開無絕艷

風萼時動有奇香何慚謝雪中情詠

中情一作情才世說謝安雪日集

兒女講論文義公曰白雪紛紛何所似兄子胡兒曰撒鹽空中差可擬兄女道韞曰未若柳絮因風起不

羨劉梅貴色莊

宋武帝女壽陽公主八日卧於含章簷下梅花落於額上成五出之花拂之不去

去後有梅花粧武帝即劉裕也更憶幽牕凝一夢夜來村落有微霜

### 別墅懷歸

水國初冬和暖天南榮方好背陽眠

榮簷隙也

題詩朝憶復

暮憶見月上弦還下弦遙為晚花吟白菊近炊香稻識

紅蓮

紅蓮稻飯

何人壽我黃金百

春秋後語曰邯鄲之北有蘇人侯蘇秦往說之人侯

送以黃金百鎰其家丞諫曰君侯與客無故舊而送百金其說可得聞耶人侯曰客天下之辨士立談之間再

奪我地而復歸之吾地

買取蘇君負郭田

史記蘇秦嘆曰使我有洛

陽負郭田二頃吾豈能佩六國相印乎

### 寄淮南鄭賓書記

記室千年翰墨孤

言鄭賓辭翰十年中一人而已

惟君才學似應徐

三國

志汝陽應瑒字德璉北海徐幹字偉長

五丁驅得神功盡

蜀王本紀惠王欲蜀乃刻五石

牛置金其後蜀人見之以為牛能便金乃使五丁力士拖牛成道置之成都秦王知蜀王好色獻美女五人蜀

王遣五丁迎女還梓潼見大蛇入山穴中一丁引其尾不能出五丁共引之山崩五女上山化為石李白大

獵賦云五丁摧峯一夫拔木下整高顙深平嶮谷

二酉搜來祕檢疎

圖經云穆天子藏異

書於大酉山小酉山之中方輿紀云秦人隱學於小酉  
山中石穴中所藏書千餘卷梁湘東王尤好聚書故其  
賦曰訪酉陽之逸典唐段成式著書有異乎世俗故  
取諸逸典之意名曰酉陽雜俎孝經鈎命決曰邱擬  
秘文詩意言鄭書記之文章如五丁

煬帝帆檣歸澤國

隋煬帝開通濟梁引穀水洛水達於河引河通  
於淮造龍舟通齊梁引穀水洛水達於河引河通

淮王箋

奏入班書

班固前漢淮南王安獻所作內篇上愛秘之  
又獻頌德長安頌都門頌天子使為離騷傳

清詞醉草無因見

文選曹植詩眾賓悉  
精妙清詞洒蘭藻

但釣寒江半尺

鱸

晉張翰見秋風起思吳中菰  
米蓴羹鱸魚膾遂命駕歸

小雪後書事

時候頻過小雪天

歷家以十月  
中氣為小雪

江南寒色未多偏楓江

尚憶逢人別麥隴惟應欠雉眠更擬結茅臨水次偶因

行藥到村前

鮑明遠有行藥至城西橋  
詩言服藥後行以宣導之

鄰翁意緒相安

慰多說明年是稔年

多一作曾

鷄鵲詩

并序

客有過震澤得水鳥所謂鷄鵲者貺予黑襟  
青脰蠟爪丹喙色幾及項質甚高而意甚卑  
戚畏人予極哀其野逸性又非能抬累者而  
囚錄籠檻逼迫牕戶俛啄仰飲為活大不快  
真天地之窮鳥也為之  
賦詩宜好事者和之

詞賦曾誇鷗鷺流

鷗徒角反鷗牛欲反李白大獵賦云墜鷗鷺於青雲落鴻雁於紫虛

周氏雜字曰鷗鷺鳥似鳬

果為名誤別滄洲

謝玄暉既權懷祿情復協滄洲趣

雖蒙

靜置疎籠晚不似閑棲折葦秋自昔稻梁高鳥畏至今

珪組野人讐

左思珪組賢君盼青紫明主恩詩意謂野人畏珪組如羅網

防微避繳

無窮事好為裁書謝白鷗

杜詩白鷗波浩蕩萬里誰能馴

## 二遺詩

并序

二遺詩者何石枕材琴薦也石者何松之所化也化於何越之東陽也東陽多名山就中金華為最枝峯蔓壑秀氣磅礴數百里不啻如神仙登臨草木芬怪永康之地亦蟬聯其



間中饒古松往往化而為石盤根大柯文理具析盡在好事者攻而置於人間以為耳目之異太山羊振文得枕材趙郡李中秀得琴薦皆茲石也咸以遺予以二遺之奇聊賦詩

謝以

誰從毫末見參天

老子云合抱之木生於毫末莊子秋水篇萬物莫不小知天地之為梯

米也知毫末之為丘山也

又到蒼蒼化石年萬古清風吹作籟

莊子齊物

篇子綦謂子游曰而未聞天籟夫大塊噫氣其名為風作則萬竅怒號而獨不聞之琴琴乎琴音溜一

條寒溜滌成川

川一作穿前漢枚乘云泰山之雷穿石單極之統斷幹水非石之鑽索非木

之鋤漸靡使然也

閑追金帶徒勞恨

異聞集呂公經邯鄲郎中有盧生自嘆貧困不達言

訖思睡主人方炊黃梁翁探囊中枕以授生曰枕此則榮遇如意生枕之夢自枕竅中入至其家未幾登高第  
愿臺閣出入將相五十餘年子孫皆列顯仕金紫滿門  
青盛無比年餘八十老病而卒欠伸而寤顧呂公在旁  
主人黃梁猶未熟生起謝曰先生以此室吾欲也敢不受教再拜而去  
靜格朱絲更可憐  
格葛鶴反禮記清廟之瑟朱結而疏越一倡而三嘆有遺音者矣  
煩良匠更雕鐫

奉和襲美送弘惠上人

皮日休字襲美弘惠上人新羅人也日本國請

日休為靈鷲山周禪師碑事畢東歸以詩送之

一函迢遞過東瀛  
祇為先生處乞銘  
先生謂已得雄詞

封淨檢却懷孤影在禪庭春過異國人應寫夜讀滄洲

怪亦聽

言日休文驚夷狄動鬼神

遙想勒成新塔下盡望空碧禮文

星

望平聲 空碧天也 文星謂日休

### 閑書

病學高僧置一床披書纔暇即焚香閑階雨過苔花潤

小簾風來薤葉涼

白樂天寄李蘄州詩云笛愁春盡梅花裏簾冷秋生薤葉中註云蘄州出

笛林薤葉簾

南國羽書催部曲

羽書檄也 檄台天下兵應劭曰以雞毛

繫檄文心雕龍曰挿羽於書以示迅也

東山毛褐傲羲皇

毛褐賤者之服孟子云皆衣褐

相屨曹子建云毛褐不掩形蔽藿常不充晉陶  
潛夏日高卧北牕之下清風颯至自謂義皇上人  
升

平人道無時節人一試問中林亦不妨詩肅肅兔置施  
作聞

兔置之人能恭敬則是賢者衆多也晉王康琚反招  
隱詩昔在太平時亦有巢居子今雖盛明世能無中林

士毛萇詩傳曰  
中林林中

### 白菊一叢呈一二知己

還是延年一種材陶詩酒能消百慮菊為制頽齡即將瓊朶冒霜開不

知紅艷臨歌扇欲伴黃英入酒盃楚辭朝飲木蘭之墜露兮夕食秋菊之落

英陶令接羅堪岸著陶淵明愛菊言對此可著梁王高

接羅也接羅色白故云

屋好歌來

漢書曰梁孝王廣睢陽城七十里大治宮室連居於平臺四十里晉謝惠連雪賦云梁

王不悅遊於兔園乃置酒命賓友召鄒生延枚叟蓋言菊花之白也

月中若有閑田地

為勸嫦娥作意裁

### 奉和襲美悼鶴

一夜圓吭絕不鳴

宋鮑昭舞鶴賦引圓吭之纖婉頓脩趾之洪婷

八公虛道得

千齡

漢淮南王賓客有八公之徒采藥於嵩山於石室中得王子晉所傳於李浮邱伯相鶴經曰鶴陽身

也而遊於陽因金氣依火精以自養金數九火數七故七年小變十六年大變百六十年變止千六百年形定

晉鮑明遠舞鶴賦云守馴養於十齡結長悲於萬里

方添上客雲眠思

杜詩雲卧衣裳

冷

忽伴中仙劍解形

解音賈鮑靚尸解

東鄉序葛洪曰陰君受

有人發其棺見一大刀家左右有人馬之聲遂不敢取此劍解也

但掩脩毛穿古堞

謂瘞

鶴也

永留寒影在空屏君才幸自清如水更向芝田為刻

銘

梁簡文帝詩來自芝田遠飛渡武溪深鎮江府江中有焦山後漢高士焦先隱於此山因名焉有陶隱

居瘞鶴銘

### 奉送浙東德師侍御罷府西歸

王謝遺蹤玉籍仙

王謝謂江東王導謝安二家也後聖列紀曰若斗中有玄玉錄籍皆為上

仙也

三年閑上鄂君船

說苑鄂君乘青翰舟越人擁楫而歌曰今夕何夕牽舟中流今日何

日與子同舟鄂君  
乃以繡被覆之

詩懷白閣僧吟苦

唐賈島為浮屠名  
無本嘗嘆曰知余

素心者惟終南白閣隱者耳嵩邱又有舊隱欲歸未得  
逕遛長生雖行坐寢食苦吟不輟終南有紫閣白閣

二  
峯  
俸買青田鶴價偏

永嘉記青田有雙白  
鶴年年來養子而去

行次野楓臨

遠水醉中衰菊臥涼煙芙蓉散盡西歸去唯有山陰九

萬牋

晉庾冰曰王右軍為會稽謝公就乞牋紙庫中  
惟有九萬枚遂并與之桓宣武云逸少不節

### 奉和褚家林亭

一陣西風起浪花遶闌干下散瑤華高牕曲檻仙侯府  
折葦荒芹白鳥家孤島待寒凝片月遠山終日送餘霞

若知方外仙如此不要秋乘上海槎

王子年拾遺記堯時有巨槎浮於西

海光若星月十二年一周天名貫月槎又名掛星槎羽仙棲其上

### 寒食同襲美訪寂上人

月樓風殿靜沈沈披拂霜華訪道林

晉高僧支遁字道林此意指寂上人

也鳥在寒枝棲影動人依古堞坐禪深明時尚阻青雲

步半夜猶追白石吟

見甯戚飯牛歌註

自是海邊鷗伴侶

海鷗見前

注不勞金偈更降心

佛西方人號金仙嘗作半偈示法

### 江南道中

懷茅山廣文南陽博士奉和日休次韻



一片輕帆背夕陽望三峯拜七真堂

三茅二許一陽一郭是謂七真三峯

謂大茅山中茅山小茅山有茅盈茅固茅衷即三君也

天寒夜漱雲牙淨雪壞晴

梳石髮香

雲牙雲根皆石也爾雅釋草篇薄石衣注水苔也一名石髮江東食之異物志云石

髮生海中石上長尺餘大小如韭

自拂煙霞安筆格

音閣

獨開封檢試砂

牀莫言洞府能招隱

招隱士者淮南王小山之所作也

會輶飈輪見玉

皇

集仙錄曰王母者龜山金母也居崑邱之園閭風之苑非飈輪不可到

二

壺中行坐可攜天

見前注

何向林間息萬緣組綬任垂三

品石

建康有陳朝三品石

珮環從落四公泉

謂茅許陽郭四仙人也。以組綬珮環比泉。

石語意佳

丹臺已運陰陽火

丹臺運火養其鉛汞也。

碧簡須雕次第山

景林真人曰勤感累世念真期靈皇鑒其用思太極注名玉札於是細書紫虛之宮朱書東華之閣刻石上清

丹文玉籍云也

想得雷平春色動

雲笈經云許穆子玉斧隱雷平山號雷平真人

五芝

煙甲又芊綿

芝有五色故云五芝山海經云赤芝一名丹芝黃芝一名金芝白芝一名玉芝黑芝

一名玄芝紫芝一名木芝台山賦曰五芝含秀而敷榮

天

三

良常應不動移文

良常山在潤州句容縣第三十二洞天周迴三十里名良常放命之大雲

笈經云李真人治之 秦始皇登句曲北垂山嘆曰迴狩之樂莫過於山海自今以往良為常也乃改句曲北

垂為良常山 南史宋周顒字彥倫隱北山後應詔出為海鹽令欲過此山孔德璋假作山神意以却之名北

山移 金醴從酸亦自醺 蓬萊公洛廣文以金醴四桂父升待主簿主簿恨其味酸

舊歌飛絳雪 神仙傳桂父常食桂葉人知其神尊事之一旦與鄉曲別飄然入雲而去 酉陽雜

俎云仙藥有青津碧荻龍 胎醴九鼎魚玄霜絳雪 桐孫新韻倚玄雲 風俗通曰梧桐生於

嶧山之陽崑石之上採東南孫枝為琴聲極清麗 帝使慎夫人鼓瑟上自倚瑟而歌 漢武帝內傳曰西

王母降命侍女安法嬰歌玄雲之曲曰天象雖云寥我 把天地戶披雲泛靈輿倏忽適下土古樂府有玄雲曲

春臨柳谷鶯先覺樹蘸蕪香鶴共聞 蕪一作醺 蕪香一名 珍重

雙雙玉條脫盡憑三島寄羊君

晉穆宗昇平三年仙家夢綠華夜降於羊權家

一月輒六過其家自言玄州以我仙罪未減故暫謫降以償其過耳因贈詩一首火浣布巾一枚金玉條脫各一條脫似指環而大慎勿泄我下降之事彼此獲罪三島蓬萊方大瀛洲也

行次野梅奉和日休韻

飛棹參差拂早梅強欺寒色尚低回

晉傅咸感別賦云入閭然而無依步

空室以低回

風憐薄媚留香與月會深情借艷開梁殿得非

蕭帝瑞

金陵覽古云晉孝武太元三年僕射謝安作新宮太極殿欠一梁有梅木流至石頭城下因取

用之畫梅花於梁上以表瑞焉因名梁殿

齊宮應是玉兒媒

齊東昏侯妃潘氏小字玉兒東

昏淫亂暴虐失道國為梁所取玉兒亦為武帝所誅殿為武帝所居竟應梁殿之瑞

不知謝客離

腸醒臨水應添萬恨來

晉謝靈運小字客兒太傅安之從孫文章江左第一襲封康樂

公宋武帝長安回奉使慰勞於彭城及宋受命降爵為侯文帝即位興兵叛逆為詩曰韓亡子房恨秦帝魯連恥本自江海人忠義感君子文選任昉詩曰不忍一晨意十齡萬恨生

揚州看辛夷花

正二月開花夏秋再花一名候桃人家園庭多種木高數丈葉

似柿而長初出如木筆故北人呼為木筆其子如相思子

柳疎梅墮少春叢天遣花神別致功高處朶稀難避日動時枝弱易為風堪將亂蘂添雲肆若得千枝便雪宮

孟子見齊王於雪宮

不待羣芳應有意等閑桃李即爭紅

奉和襲美見訪不遇

為愁煙岸老塵囂

左傳湫溢囂塵注囂聲也塵土也詩意恐形神老於塵囂中也

扶病

呼兒斲翠苔

文選江文通詩青苔日夜黃芳蕤成宿楚

祇道府中持簡牘不

知林下訪漁樵花盤少撥晴初艷葉擁疎籬凍未燒倚

杖徧吟春照午一池冰段幾多消

閭闔城北有賣花翁討春之士往往造焉因招

日休

故城邊有賣花翁水曲舟輕去盡通十畝芳菲為舊業

一家煙雨是元功

史記太史公曰惟祖元功輔臣股肱後漢高密侯鄧禹元功之首

閑

添藥品年年別笑指生涯樹樹紅若要見春歸處所不  
過攜手問東風

### 奉和日休病中孔雀

懶移金翠傍簷楹斜倚芳叢舊態生唯耐瘴煙籠飲啄

可堪春雨滯飛鳴

紀聞錄南人捕生者候甚雨往擒之尾沾雨重不能高翔又至愛其尾恐

人所傷不復驚翔也

鴛鴦水畔迴頭羨豈菟圖前舉目驚

孔雀所出多豈

金剛經卷三  
菟故孔雀見爭得鷓鴣來往著不妨還校有心情有孔雀處

亦有鷓鴣

次韻日休見寄

共尋花思極飛騰病帶春寒去未能煙迳水涯多好鳥

竹牀蒲椅但高僧須知日富為神授陶淵明榮木詩云志彼弗舍安此日

富祇有家貧免盜憎家語盜憎主人民怨其上除却數函圖籍外更

將何事結良朋

奉和病後春思



氣和靈府漸氤氲

莊子德充符篇仲尼曰日夜相代乎前而知不能規乎其始者也故不足

以滑和不可入於靈府使之和豫通而不失於兌注滑音骨亂也靈府心之神也

酒有賢人藥

有君

三國志魏畧太祖禁酒人竊飲之故難言酒以清者為聖人濁者為賢人素問云藥有君臣佐使

七字篇章看月得百勞言語傍花聞

爾雅鵲百勞一名伯趙月博勞一名伯趙月

令仲夏之月鵲始鳴

閑尋古寺銷晴日最憶深溪枕夜雲早晚共

搖孤艇去紫屏風外碧波文

宋玉招魂紫莖屏風文綠波些注屏風水葵也生於

池其莖紫色風起水動波綠葉而生文也

次韻館娃宮

揚雄方言娃美也吳楚衡淮之間曰娃故宮有館娃之宮在平江

府硯石山山蓋以西  
施得名今為靈巖寺

鏤楣梢落濯春雨蒼翠無言空斷崖草碧未能忘帝女

李白詩煙草如碧絲秦桑低綠枝  
海經宣山有桑其枝四衢名曰帝女

山燕輕猶自識宮

釵洞冥記曰元鼎元年起招靈閣有神女留一玉釵與  
帝帝以賜趙婕妤好至昭帝元鳳中宮人猶見此釵共  
謀欲碎之明旦視之匣惟見白燕直升天  
去故宮人作玉釵因名玉燕言其吉祥  
江山只有愁

容在劒佩應和媿氣埋賴有伍員騷思少吳王纔免似

荆懷

史記伍員字子胥諫吳王不聽賜屬鏤之劒以  
死今言伍員才不如屈原故不能作騷以諷

襲美以紫石硯見贈以詩迎之

霞骨堅來玉自愁琢成物象古釵頭

硯形製也

澄沙脆弱聞

應伏

澄沙硯名也

青鐵沈埋見亦羞

拾遺志成武帝賜青鐵硯是

晉張華著博物

于闐國所獻者

最稱風亭批碧簡

碧簡竹簡也

好將雪竇清寒流

雪

作雲

君能把贈閑吟客徧寫江南物象酬

### 看壓新醅寄懷襲美

曉壓糟牀漸有聲旋如荒澗野泉清身前古態醺應出

世上愁痕滴合平飲啄斷年同鶴儉

淮南王八公相鶴經云鶴一百六十

雌雄相視而孕又一千六百

年則飲而不食矣胎化也風波終日看人爭樽中若

使常能綠兩綬通侯總強名

漢書金日磾二子賞建俱為侍中及賞嗣侯綬昭帝

謂霍光曰金氏兄弟兩人不可使俱兩綬邪言侍中封侯佩兩綬漢通侯諸將

### 奉和題達上人藥圃

藥味多從遠客齋旋添花圃旋成畦三椹舊種根應異

本草次公高麗人作人參贊曰三椹五葉背陽向陰九節初移葉向低  
本草蜀郡嚴道縣葛

蒲一寸九節者最良服之輕身延年聰神益智山英便和幽澗石  
孫氏瑞應圖曰莫英圓而

五色一名歷英十五葉日生一葉從朔至望畢十六日毀一葉至晦而盡月小則一葉卷而不落白虎通英

者樹名也水芝須帶本池泥  
水芝蓮也從今直到清明日又有香

苗幾畚齊

畚筐也

以竹夾膝寄贈襲美

截得篋簾冷似龍

興元府洋州有篋簾谷篋簾竹也

翠光橫在暑天中

堪臨蕤簾閑憑月好向松牕卧跂風持贈敢齊青玉案

張平子四愁詩美人贈我錦繡段何以報之青玉案

醉吟偏稱紫荷筒

南史劉杳著紫荷筒

前漢張安世傳持索簪筆之意而劉偉明乃以荷為芰荷之荷至後歐陽修亦以紅藥翻階對紫荷持索何耶

姑待博識者

添君雅具教多著為著西齋譜一通

奉和夏景無事因懷章來二上人

簷外青楊有二梅

有青梅有楊梅 潘安仁閑居賦云 三桃表櫻胡之別 二柰曜丹白之色

此其遺意也

折來堪下凍醪杯

凍醪須臘月釀其醅成冰澌入甕待春氣動成酒甚香美

高杉自欲生龍腦小弁誰能寄鹿胎

小弁冠也鹿胎飾之宋何肩字子季

著單衣鹿皮巾

麗事肯教饒沈謝

南史梁沈約字休文吳興武康人也孤貧好學博覽羣書

聰明過人尤善屬文時謝玄暉善為詩約兼而有之然終不能過之也

微談何必減宗雷

南史宋宗炳少文南陽溫陽人也善琴書圖畫精於言理嘗入廬山就釋惠遠考察尋文義雷次宗字仲倫豫章

南昌人也少入廬山侍沙門惠遠篤志好學尤明詩禮隱退不仕

還聞擬結東林社爭

奈淵明醉不來

高僧傳惠遠法師結白蓮社以書招陶淵明陶曰弟子性嗜酒許我飲即往遠

許之遂造焉  
陶攢薪而去

### 奉和寄楊舍人

明時非罪謫何偏鵬鳥巢南更數千酒滿椰杯消毒霧

海南嶺表多蠱毒食飲以椰子為杯有毒則裂風隨蕉葉下龍船也龍閭江切湍韶州樂

昌縣有瀧水名樂昌俗謂水湍浚急人多藥戶生狂蠱

吏有珠官出俸錢十道志廉州合浦郡秦祇以直誠天

自信不勞詩句詠貪泉晉安帝紀曰吳隱之字處默性廉操桓玄欲救嶺表之弊以隱

之為刺史州界有水名貪泉父老云飲此水者廉士皆貪隱之即至水所酌而飲之因賦詩以言志清操愈厲

奉和夏景沖澹偶然作

蟬雀參差在扇紗竹襟輕利籜冠斜

昭潭志立山縣俚婦長於縷績能以

竹為衫充暑服也

漢高祖為亭長乃以竹皮為冠師古曰竹皮筍皮謂筍上所解之籜耳今人亦有筍皮巾

古之遺制也

壚中有酒文園會

前漢司馬相如初與婦亡奔成都家徒四壁立遂之臨邛

賣酒令文君當壚相如著犢鼻褌滌器後獻上林賦拜文園令

琴上無絃靖節家

晉陶潛沒

謠靖節先生嘗蓄無絃琴一張人問其故答曰但識琴中趣何勞絃上聲

芝畹煙霞全覆穗

離騷經余既滋蘭之九畹兮又樹蕙之百畝

橘州風浪半浮花

寰宇記橘州在長沙縣西

南四里江中大水洲渚皆沒此洲獨存

閑思兩地忘名者不信人間髮解



華

懷楊台文楊台鼎二秀才

秋早相逢待得春  
崇蘭清露小山雲

楚詞招魂光風轉  
蕙汎崇蘭些淮

南王安招集賓客  
內有大山小山

寒花獨自愁中見  
曙角多從醒後聞

釣具每隨輕舸去  
詩題閑上小樓分  
重思醉墨縱橫甚

書破羊欣白練裙

羊欣字敬元父不疑為烏程令欣年  
十二王獻之時為吳興太守甚知愛

之欣嘗夏月著新絹裙晝寢獻之入烏程  
縣署書裙數幅而去欣書本工得此彌善

和張處士詩

并序

張祜字承吉元和中作宮體小詩辭曲豔發  
當時輕薄之流能其才合譟得譽及老大稍  
窺建安風格誦樂府錄知作者本意短章大  
篇往往間出講諷怨謫時與六義相左右善  
題目佳境言不可刊置別處此為才子之最  
也由是賢俊之士及高位重名者多與之游  
謂有鵠鷺之野孔雀之鮮竹栢之貞琴磬之  
韻或薦於天子書奏不下受辟諸侯府性狷

介不容物輒自劾去以曲阿地古淡有南朝  
之遺風遂種樹築室而家焉性嗜水石常悉  
力致之後知南海間罷職載羅浮石筍還不  
蓄善田利產為身後計死未二十年而故姬  
遺孕凍餒不暇前所謂鵲鷺孔雀竹柏琴磬  
之家雖朱輪尚垂遺編尚吟未嘗一省其孤  
而恤其窮也噫人之假玩好不根於道義耶  
懼其怨刺於神明耶天果不愛才沒而猶譴

耶吾一不知之友人顏弘至行江南道中訪  
其廬作詩弔而引之屬予應和予汨沒者不  
足哀承吉之道要襲美同作庶乎承吉之孤  
倚其傳而有憐者

勝華通子共悲辛

即故姬  
遺孕也

荒逕今為舊宅鄰一代交遊

非不貴五湖風月合教貧魂應絕地為才鬼名與遺編

在史臣聞道生平偏愛石至今猶泣洞庭人

洞庭出湖  
石取之甚

難民多被其害吳融詩云洞庭山下湖波碧波中萬古  
生湖石鐵索千尋取得來奇形怪狀誰能識洞庭山

在平江府太湖中丹陽曲  
阿屬焉張祐嘗築室於此

### 寄吳融子華

一夜秋聲入井桐

文選云寒井落梧桐人李白  
云梧桐落金井一葉飛銀床

數枝危

綠怕西風霏霏晚砌煙華上  
浙浙疎簾雨氣通君隱輪  
蹄名未了我依琴鶴病相攻  
到頭江畔從漁事織作中

流萬尺蒨

蒨取魚  
具也

### 中秋待月

轉缺霜輪上轉遲

轉上去聲  
下上聲

好風偏似送佳期  
簾斜樹

隔情無限燭暗香殘坐不辭最愛笙調聞北里

左太沖詠史云

南鄰擊鐘磬北里吹笙竽

漸看星淡失南箕

春秋元命苞曰尾九星箕四星為後宮之列為

南宮其庭太微此月明星稀之意

何人為校清涼力欲減初圓及午時

包佶

字幼王天寶六年進士累遷秘書監為刑部侍郎拜諫議大夫御史中丞卒封丹陽郡公有集

傳於世

### 贈廬山白鶴觀劉尊師

蒼蒼五老霧中壇

五老峯在江州李白詩廬山西南五老峯青天削出金芙蓉九江秀色可

攬結吾將此地巢雲松

杳杳三山洞裏官

封禪書自齊威宣使人入海求蓬萊方大瀛洲

此三山諸仙人及不老之藥皆在  
焉 韓詩云上界仙人足官府 手護崑崙象牙簡 登

隱訣云崑崙瑤臺刊定真經之所也刻簡記仙名 唐  
書王方慶累為廣州都督南海歲有崑崙舶市外國琛

琲象牙犀角 崑崙人多積犀象齒角  
貨於中國今道士章醮手捧牙簡也 心推霹靂棗枝

盤 上清經瓊文帝章刻書霹靂  
棗心之木受於絕巖之中 春飛雪粉加毫潤曉漱

瓊膏冰齒寒 冰去聲 老氏聖紀曰吳猛字世雲豫章  
人性純孝夏夜在父母側不敢驅拂蚊蚋

恐去已而集親後猛登廬山見數人與猛語  
設玉膏終日 道人亦以嚙漱津液為瓊膏 漸恨流年

筋力少惟思脫冕事星冠

鮑防

防字子慎襄陽人天寶中登進士第官至太原  
尹河東節度使境內大治有詔圖形別殿遷江

西觀察使從幸奉天封東海公  
授工部尚書卒有文集今傳

### 送薛補闕入朝

平原門下十餘人獨受恩多未殺身

史記平原君趙勝合從於楚約與文

武備者二十人偕得十九人餘無可者毛遂自薦於平原君願以備員至楚平原君與楚王言利害日中不決遂乃按劍而上合從乃定謂十九人曰公等碌碌所謂因人而成事者也此防自謂每嘆陸家兄

弟少

梁陸瓊幼聰慧從祖襄嘆曰此兒必荷門基所謂一不為少也唐陸象先兄弟四人僧一行少時

皆與相善嘗謂人曰陸氏兄弟皆有士行今代少有古之荀陳無以加也更憐楊氏子孫貧

後漢楊震為涿郡太守不受私謁子孫蔬食步行故舊欲令聞產業震不肯曰使後世稱為清白吏不亦厚乎



柴門豈斷施行馬

周禮掌舍設棧板再重注棧板謂行馬鄭玄謂行馬再重者以周衛有外

內列

漢官儀曰光祿勳門施行馬以旌別之也

魯酒那堪醉近臣

淮南子楚宣王朝諸

侯魯恭公後至而酒薄宣王怒乃發兵與齊攻魯一日與趙俱獻酒於楚王王主酒吏以魯薄酒易趙厚酒楚

王以趙酒薄遂圍邯鄲

賴有軍中遺令在猶將談笑對風塵

杜詩談笑

覓封侯

皇甫冉

字茂政天寶中進士終拾遺左補闕有詩集三卷傳於世

三月三日義興李明府後亭泛舟

江南煙景復如何聞道新亭更可過

金陵覽古云新亭在江寧縣十里俯

近江渚晉初過江僕射周顗與羣公遊宴坐中嘆曰風景不殊舉目有山河之異因而流涕王導曰諸公當戮力中原以佐王室何至作楚囚對泣耶衆皆肅然

處處藝蘭春浦綠

楚辭藝蘭兮九畹

萋萋藉草遠山多

孫綽天台山賦曰藉萋萋之纖草蔭落落之長松

壺觴須就

陶彭澤

晉陶潛為彭澤令解印而去賦歸去來辭曰引壺觴以自酌

風俗猶傳晉永

和

晉王羲之蘭亭記曰永和九年歲在癸丑暮春之初會於會稽山陰之蘭亭修禊事也

更使輕

橈徐轉去微風落日水增波

文選招隱云山蕝嵒兮水增波

送李錄事赴饒州

北人南去雪紛紛雁叫沙汀不可聞積水長天隨遠客

荒城極浦足寒雲山從建業千峯斷

金陵又名建康

江到潯陽

九派分

潯陽即江州書禹貢九江孔殷注江於此分為九道一為江二為江三為白江四為嘉廬江五為

江六源江七廬江八提江九箇江郭璞江賦源二分於岨岨流九派於潯陽

借問督郵纔弱

冠

禮記曰二十而弱冠三十曰壯有室四十曰強而仕督郵比李錄事也

府中年少不如

君

賈誼年少通百家書文帝召為博士是時年二十餘最為少每議下諸老先生不能言賈生盡為之對

### 館陶李丞舊居

盛名天下挹餘芳

杜詩盛名富事業無取愧高賢

棄置終身不拜郎

前漢

顏驄文帝時為郎至武帝輦過郎署見驄龐眉皓髮上問曰叟何時為郎何其老也曰臣文帝時為郎文帝好

文而臣好武景帝好美而臣貌陋陛下好少  
而臣已老是以三世不遇上擢拜會稽都尉  
詞藻世傳

平子賦

後漢張衡字平子南陽西鄂人也平子擬班固兩都作二京賦永和初為河間相遷侍中園

林人比鄭公鄉

後漢孔融深禮鄭玄屢履造門告高密縣為玄特立一鄉昔齊置士鄉越有君

子軍皆異賢之意也鄭君好學實懷明德今門前墜葉  
鄭玄鄉里宜曰鄭公鄉其門號為通德門

浮秋水籬外寒臯帶夕陽日日青松成古木祗應來者

為心傷

送孔巢父赴河南軍

唐書廣德中李李卿宣撫江淮薦巢父為左衛兵曹

參軍故有此行

江城相送阻煙波，況復新秋一雁過。聞道全師征北虜，

更言諸將會南河。

孟子舜避堯之子於南河之南。唐書幽州有安史之亂，南有永王璘之

變。唐日以淮為南河，黃河為北河。

邊心杳杳鄉人絕，塞草青青戰馬多。

共許陳琳工奏記。

三國志陳琳字孔璋，廣陵人，避亂冀州。袁紹辟之，使典密事。紹死，魏太祖

辟為典記室。魏太祖先苦頭風，陳琳作檄草成，呈太祖。是日疾發，卧讀琳檄，太祖翕然而起曰：「此愈我疾病。」比

孔巢父也。

知君名宦未蹉跎。

杜詩聞君已朱紱，且得慰蹉跎。

### 同溫丹徒登萬歲樓

高樓獨上思依依，極浦遙山合翠微。

鄴中記曰：山氣青縹色，曰翠微。江

欽定四庫全書

唐詩鼓吹  
卷三

五

客不堪頻北望塞鴻何事復南飛遼陽古渡寒煙積瓜

步空洲遠樹稀

瓜步揚州古渡其狀如瓜謂之瓜洲渡真州亦有瓜步山鮑照文曰因迥為高

據絕為雄凌清  
瞰遠擅奇含秀

聞道王師猶轉戰誰能談笑解重圍

史記

趙被秦圍急魏使新垣衍於趙欲使趙帝秦魯連見衍  
陳帝秦之害衍遂誑秦兵聞之却五十里  
文選左太  
沖詠史詩吾慕魯  
仲連談笑却秦兵

秋日東郊

閑看秋水心無事

莊子有秋水篇

坐對寒松手自栽

寒松或作東林誤

廬岳高僧留偈別

廬岳即江州廬山也僧頌曰偈

茅山道士寄書來

茅山

在鎮江即古潤州也燕知社日辭巢去燕春社來秋社去菊為重陽冒雨

開淺薄將何稱獻納

前漢張衡傳朝夕論思日月獻納杜詩獻納司存雨露邊臨

岐終日獨遲迴

### 宿淮陰南樓酬常伯熊

淮陰日落上高樓喬木荒城古渡頭浦外野風吹入戶

牕中海月早知秋滄波一望通千里畫角三聲起百憂

毛詩曰我生之後逢此百憂杜工部詩有百憂集行獨立宵分遠來客煩君步履

忽相求

欽定四庫全書

唐詩鼓吹  
卷三

三

郎士元

字君胄中山人也天寶中進士後選京畿縣官歷左拾遺出郢州刺史有詩集傳於世

寄韋司直

聞君感歎二毛初

二毛見前注

舊友相依萬里餘  
烽戍有時

驚暫定甲兵無處可安居  
客來吳地星霜久

杜詩星霜玄鳥變

家在平陵音信疎  
昨夜東風還入戶  
登山臨水復何如

潘安仁秋興賦慄慄兮若  
在遠行登山臨水送將歸

蓋少府新除江南尉問風俗

聞君作尉向江潭  
吳越風煙到自諳  
客路尋常隨竹影



人家大抵傍山嵐綠溪花木偏宜遠避地衣冠盡向南  
晉書懷帝永嘉五年時海內大亂獨江東差安中國士  
民避亂者多南渡江鎮東司馬王導說瑯琊王睿收其  
賢俊與之共  
事睿從之惟有夜猿啼海樹思鄉望國意難堪

酬王季友題半日村別業

村映寒原日已斜煙生密竹早歸鴉長溪南路當羣岫

半景東鄰照數家

晚景為半景

門通小徑連芳草馬飲春泉

踏淺沙欲待主人林上月還思潘令縣中花

晉潘岳字安仁為河

陽令嘗作閑居賦云

潘岳為河陽令植桃李花人號曰河陽一縣花  
庾信枯樹賦云建章三月火黃河十

欽定四庫全書

唐書卷三

里槎若非金谷滿園  
樹定是河陽一縣花

羊士諤

士諤貞元初進士累至宣歙巡官元和初拜  
監察御史坐誣論宰執出資州刺史有集傳

於世

酬西川獨孤侍御見寄

百雉層城上將壇

左傳都城過百雉國之害也注方丈  
曰堵三堵曰雉一雉之牆長三丈高

大列營西照雪峯寒

雪峯成都西北山也

文章立事須銘鼎

禮記曰大

鼎有銘銘者論謨其先祖之德美功烈勲勞而酌之祭  
器自成其銘焉故衛孔悝之鼎銘曰叔舅予女銘若纂  
乃考服悝拜稽首曰對揚以談笑論功恥據鞍  
辟之勤大命施於烝彝鼎  
後漢馬援據鞍

顧盼以示可用  
杜詩傷時即據鞍

草檄青油推健筆

青油將幕也詩意比陳琳耳

曳

裾黃閣聳危冠

前漢鄒陽諫吳王書曰令臣盡智畢議易精極慮則無國不可干飾固陋之心

則何王之門不可曳長裾乎

雙金未比三千字

淮南子古詩曰客從東南來遺我雙南金

負弩應慚知者難

前漢司馬相如為中郎將使叩笏馳四乘之車至蜀太守以下郊迎縣令

負弩先驅蜀人以為寵

竇常

字中行叔向之子也京兆人大厯中王儲榜登第累官水部員外郎後遷國子祭酒卒有集行

於世

寒食途次松滋渡先寄劉員外

常兄弟五人年羣庠輩四人擢

進士獨常客隱毘陵因韋夏卿薦始入仕皆詩人也常歷武陵夔江撫四州刺史將之武陵故

有此作

杏花榆英曉風前雲際離離上峽船江轉數程淹驛騎

楚曾三戶少人煙

漢書楚雖三戶亡秦必楚

看春又過清明節算老

重經癸巳年幸得柱山當郡舍

隋開皇中刺史樊子蓋以善卷常居柱山更名

為善德山今按方輿勝覽松滋在江陵府西北四十里有柱山疑柱誤作柱

在朝長詠卜居

篇

卜居者屈原所作也屈原哀憫當世之人習安邪佞違背正直故陽為不知二者之是非可否而將假著

龜以決之故為此辭

寶年

字貽周真元二年進士累至都官郎中終國子司業有集行世

秋夕閑居對雨贈別盧七侍御

牟晚從史義盧從史從史寢騎

牟度不可諫即移疾歸東都故有是作

燕燕辭巢蟬蛻枝

詩曰燕燕于飛頡之頡之楚詞淮南王安曰蟬蛻於濁穢之中以浮游

塵埃之外

窮居積雨壞籬籬夜長簷溜寒無寢日晏厨煙濕

未炊悟主一言那可學

前漢車千秋為高帝寢郎衛太子為江充譖敗久之千秋上急

變訟太子冤武帝大感悟謂曰父子之間人所難言也公獨明其不然此高廟神靈使公教我立拜千秋為大鴻臚數月為丞相封富民侯千秋以一言寤意旬月取宰相封侯世未嘗有也唐房琯贊曰琯以忠義自信

欽定四庫全書

唐詩鼓吹

卷六

片言悟主  
而取宰相

從軍五百竟何為

從漢永元三年班超定西域以超為都護居龜茲後

置戍已校尉  
領兵五百人

故人駿馬朝天去  
洛下秋聲恐要知

楊巨源

字景山蒲州人貞元中舉進士不中初為張弘靖從事遷太常博士太和中為河中少尹

有詩集一卷傳於世

### 送人過衛州

憶昔征南府內遊  
君家東閣最淹留

東閣見前注

縱橫聯句

長侵夜次第看花直到秋  
論舊舉盃先下淚傷離流水

更登樓

魏王粲有登樓賦

相思前路幾回首

回首一作十里

滿眼青山

過衛州

寄中書同年舍人

晴明紫閣最高峯

長安志終南有圭峯紫閣二峯杜詩云紫閣峯陰入美陂

仙掖開

簾范彥龍

杜詩云仙掖高情客相招共一過

南史梁

客滿門雲應答如流無所壅滯官曹文書發摘如神

五色天書詞煥爛

五色天書見前五色

詔九華春殿語從容

洛陽宮簿有明光殿音式乾九華之殿

綵毫應染爐

煙細清佩仍含玉漏重二十年前同日喜碧霄何路得

相逢

有雲泥霄壤之興也

欽定四庫全書

唐詩鼓吹

卷三

酬于駙馬

綺陌塵香曙色分碧山如畫又逢君蛟藏秋月一片水

驥鎖晴空千尺雲

此一聯言駙馬居處第宅如此之麗出入騎從如此之盛在六義中比也

戚里舊知何駙馬

前漢萬石君徙其家長安中戚里以其姊為美人故也注於上有姻戚者

居之故名曰戚里 三國志何晏

詩家今得鮑參軍

晉鮑

昭字明遠為臨海王子項前軍參軍杜詩憶李白云清新庾開府俊逸鮑參軍

陽和本是煙霄

曲

陽和見前注

須向人間次第聞

又



芳時碧落心應斷今日清詞事不同  
瑤草秋殘仙圃在

杜詩相期拾瑤草

綵雲天遠鳳樓空

比王

晴光曾送金羈影

金羈

馬飾也

涼葉寒生玉簫風長得聞詩歡自足會看春露濕

蘭叢

文選阮籍為詠懷詩云清露被蘭皋凝霜沾野草  
詳此意謂公主先逝而有子也六義中為興也

### 觀征人回

兩河戰罷萬方清

漢順帝永建六年護羌校尉韓皓轉湟中屯田置兩河間以逼羣羌

原

上軍回識舊營立馬望雲秋塞靜射鵬臨水晚天晴

李廣

傳乃匈奴射鵬兒也

戍閑部伍分岐路地遠家鄉寄旆旌

詩曰悠悠旆旌

聖代止戈資廟畧

左傳止戈為武  
素定廟勝之策師

漢趙充國傳誠非  
古注曰謂謀於廟

堂之上而勝敵也

晉張華傳羊祜疾篤帝遣華詣祜  
問以伐吳之策回及將大舉以華為度支尚書量計運

漕決定  
廟筭

諸侯不復更長征

將歸東都寄令狐舍人

綠楊紅杏滿城春一騎悠悠萬井塵

周禮小司徒凡經  
土地而井牧其田

注司馬法曰十終為同同方百里萬井  
三萬家革車百乘士千人徒二千人

岐路未關今日

事風光欲醉長年人

長去聲

閑過綺陌尋高寺強對朱門

謁近臣多病晚來還有策洛陽山色舊相親

寄江州白司馬

唐書白居易字樂天王涯上言居易不宜治郡貶江州司馬

江州司馬平安否惠遠東林佳得無

高僧傳晉惠遠見廬阜清淨足以息

心始住龍泉精舍刺史桓伊乃為遠於山東立房殿即東林也

湓浦曾聞似衣帶

郡國志昔

人於此洗銅盆墮水取之化龍而去因名湓水隋號州刺史崔仲方獻平江南策曰賊雖於蘄口湓城置船不能立矣文帝謂高顙曰我為民父母豈可限一衣帶水而不拯救乎

廬峯見說勝香爐

江州廬山有香爐峯

題詩歲晏離鴻斷望闕天遙病鶴孤莫謾拘

牽雨花社

雨去聲感天雨花

梁武帝與雲光法師講經於金陵大廚獻食因築雨花臺

樂天暮

節感浮屠道尤甚自稱香山居士

青雲依舊是前途

揚雄解嘲云當塗者升青雲失路者

委溝渠 顏延年五君詠曰仲  
容青雲器注言器識高遠也

薛司空自青州歸朝

薛平薛仁貴三世孫憲宗  
朝拜淄青齊登萊五州平

盧軍節度使入  
朝拜檢校司空

天眷君陳久在東

書君陳周公既沒命君陳分治東郊  
成周注成王重周公所營故命君陳

分居治東郊成周  
之邑里官司也

歸朝人看大司空黃河岸畔長無事

滄海東邊獨有功

青州濱  
海也

已變畏途成雅俗

莊子夫畏  
途者十殺

一人則父子兄弟相戒必盛卒徒而後敢  
出 唐盧懷慎傳帝曰以卿坐鎮雅俗耳仍過舊里揖

秋風一門累葉凌煙閣

唐太宗貞觀十七年  
圖贊功臣於凌煙閣

次第儀刑

漢上公

梁范雲諫吏部封侯表爰在中興儀刑多士  
齊職儀云周以太師太傅太保為三公以大司

馬大司徒大司空大司寇大冢宰大宗伯為  
六卿至西漢末師傅保之官崇其號為上公

送章孝標

曾過靈隱江邊寺

杭州有靈隱寺

獨宿東樓看海門潮色銀河

鋪碧落日光金柱出紅盆

日出海中海水盡赤望日光  
如金柱捧出紅盆耳此最模

寫妙不妨公事資高卧

見謝安注

無限詩情要細論

杜詩何時一樽

酒重與若訪郡人徐孺子

後漢徐孺字孺子豫章人也  
陳蕃為豫章太守不接賓客

惟為揖特設一榻去而懸之

應須騎馬到沙村

沙村即孺子之居也

述舊紀勲寄太原李光顏 二首

王塞含悽見雁行

張掖郡北有玉門關故云王塞杜詩他日傍江樓含悽述飄蕩光顏與

兄光進俱貴顯故曰雁行

北垣新詔拜龍驤

沈括筆談學士院北扉者為其在玉堂之南便

於應詔

晉王濬為龍驤將

弟兄間世真飛將

唐書太原李光

軍將堅姚萇等亦嘗為之

顏少隨兄光進馬燧救臨洺戰洹水有功光進遷御史大夫光顏亦至大夫故軍中號大小大夫後光顏拜司

徒河東節度使漢李廣號飛將軍

貔虎歸時似故鄉

光顏後為河東節度故曰故鄉鼓

角因風飄朔氣旌旗映水發秋光河源收地心猶壯笑

向天西萬里霜

河源即黃河之源也唐書党項引吐蕃圍湮州光顏力戰破之以功鎮忠武忠

武吐蕃  
之邊也

又

倚天長劒截雲孤

屈原少司命云竦長劒兮擁幼艾注  
司命持長劒以誅絕惡擁護少長各

得其命也

宋玉詩曰彎  
弓掛扶桑長劒倚天外

報國縱橫見大夫

戰國時有  
縱橫術蘇

秦為縱張  
儀為衡

五載登壇真宰相

登壇見  
前注

六重分間正司徒

光顏自元和至寶德初歷洛代陳三州刺史忠武深冀  
節度皆兼兵馬後拜司徒河東節度故云六重分間

前漢馮唐傳曰王者遣將也跪而推轂  
曰間以內寡人制之間以外將軍制之

曾聞轉戰平堅

寇轉上

共說題詩壓腐儒

前漢高祖罵酈食其  
曰腐儒幾敗乃公事料敵知

幾在方寸不勞心力講陰符

梁任昉彈曹景宗云料敵制變萬里無差前漢霍

去病上欲教以孫吳兵法對曰願方畧何如耳不在學古兵法陰符太公六韜中篇名

酬盧員外

按唐書盧簡求河中人盧綸第四子也簡求初佐牛僧孺鎮襄陽及僧孺

死入遷戶部員外郎

謝傳旌旗控上游

晉謝安字安石為太保都督荆揚等州諸軍事薨贈太傅史記項羽曰

古之帝者地方千里必居上游詩意以牛僧孺比謝傳

盧郎樽俎借前籌

漢張良曰臣請

借前箸以籌之詩意指盧佐牛功也

舜城風土臨清廟

舜城河中也舜清廟茅屋魏國

山川在白樓

河城北城有白樓

雲寺當時接高步水亭今日又



同遊滿筵舊府笙歌在獨有羊曇最淚流

羊曇泰山人為謝安所愛

重安薨後輟樂彌年行不由西州路嘗因石頭大醉扶路不覺至西州門左右白曰此西州門曇悲感不已以馬策叩扉誦曹子建詩生存華屋處零落歸山丘因哭而去時僧孺已死詩以羊曇比盧員外也

### 贈張將軍

關西諸將揖容光

漢書李膺曰關西出將關東出相觀其習兵壯勇寔過餘州

獨立

營門劒有霜知愛魯連歸海上

魯連見前注

肯令王翦在頻

陽

史記王翦頻陽東鄉人也為秦將始皇欲伐荆問李信用幾何人而足信曰不過二十萬人問王翦翦曰

非六十萬人不可始皇曰將軍老矣何怯耶翦遂謝病歸頻陽後信敗始皇起王翦用六十萬人遂滅荆頻

陽今京兆渭北美源縣也

天晴紅幟當山滿

前漢韓信破趙使人持一赤幟入趙壁皆拔趙

白幟立漢赤幟

日暮清笳入塞長

杜詩客淚墮清笳

年少功高人最美

漢家壇樹月蒼蒼

言漢將之登壇已為陳迹不若將軍年少功高抑彼揚此之意耳

### 古意贈王常侍

綉戶紗牕北里深

杜詩北里富熏天

香風搖動鳳凰簪

董巴輿服志曰

太皇太后簪以瑇瑁為摘上為鳳凰飾以翡翠毛羽摘音滴

組紉長在佳人手

禮記內則

組織紉組紉

刀尺空搖寒女心

文選郭泰機詩寒女雖巧妙不得東杼機衣工東刀尺棄我忽

若欲學齊謳逐雲管

漢書禮樂志曰齊謳員六人說文謳齊歌

還思楚練

拂霜砧

楚練楚國之練也杜詩越羅與楚練昭耀與臺軀李白詩組練照楚國

東家少女

當機織應念無衣雪滿林

詩幽風七月無衣無褐何以卒歲

唐詩鼓吹卷三

欽定四庫全書

唐詩鼓吹卷四

元 郝天挺 註

曹唐

字堯賓桂州人為道士太和中舉進士中第累為諸府從事因暴病卒於家有集二卷無傳

暮春戲贈吳端公

年少英雄好丈夫

漢書或說陳平於漢王曰平雖貧美丈夫如冠玉耳

大家望拜

從金吾閑眠曉日聽鷓鴣

揚雄傳注鷓鴣一名買銳一名杜鵑一名子規服虔異

物志注鷓鴣一名鷓伯勞

笑倚春風仗轆轤

古詩腰中轆轤劍可直千萬餘宋武帝孝建

二年削弱王侯劍  
不得為輓轡形

深院吹笙聞漢婢靜街調馬任奚奴

唐書奚東胡種漢曹操斬其帥冒頓即其祖也元魏號庫真奚與突厥同族逐水草畜牧其馬善登故奚人能

馭故

牡丹花下簾鉤外獨凭紅肌拊虎鬚

吳錄朱桓奉觴於孫權曰

願一拊陛下鬚王推几而前桓進拊鬚曰今日真可謂拊虎鬚也吳王大笑

### 和周侍御買劍

將軍溢價買吳鉤

吳越春秋闕閭命國中作金鉤令曰能為善鉤者賞百金有人貧王賞殺

二子以血鬻金遂成二鉤獻於吳王吳鉤始此

要與中原靜寇讐試掛牕前驚

電轉畧拋床下怕泉流

言劍之光瑩如水也

青天露拔雲霓泣黑

地潛擎鬼魅愁

唐李賀春坊正字劍歌云提出西方白帝驚嗷嗷鬼母秋郊哭見說夜

深星斗畔

晉張華傳斗牛之間常有紫氣問雷煥曰此寶劍之祥也等閑期剋月支

頭

後漢永元二年月支遣其副王謝將兵七萬攻班超超伏兵擊其將盡殺之持其首示謝謝大驚請罷月

支由是大震

長安春舍叙邵陵舊宴懷永門蕭使君二首

木魚金鑰鎖重城

風俗通曰鑰施懸魚箱伏淵源欲令鎖閉如此也

夜上紅樓

縱酒情

英華作仕酒情

竹箭水繁更漏促

漢魏故事箭漏箭也

桐花風軟

管絃清

晉安海物異名記刺桐花丹其枝幹有刺花附幹而生其葉如桐其花側敷如掌形似金鳳

百分散打銀船溢

百分散打謂打羯鼓也古詩頭如青山峯杖似白雨點蓋此意也銀船

酒盃也

十指寬催玉筋輕

英華作寬巡也言嘗策也

星斗漸稀賓客散

碧雲猶戀豔歌聲

列子薛譚學謳於秦青未窮青技而辭歸青餞於郊乃持節悲歌聲振林

木響過行雲譚謝求返不敢言歸也樂府有豔歌行

又

三年身逐楚諸侯

前漢賈誼過秦論項羽拔起隴畝之中三年遂將五諸侯兵滅秦分裂天

下而咸行海內

賓榻容居最上頭

賓榻見徐揖註

飽聽笙歌陪夜飲熟

尋雲水縱閑游

杜詩雲水氣參錯

朱門鎖閉煙霞暮鈴閣清冷



水木秋

鈴閣見前注

月滿山前圓不動更邀詩客上高樓

病馬呈鄭校書三首

騶駟何年別渥洼

莊子騶駟騶離騶駟古之良馬也漢武帝元鼎四年馬生渥洼水

中病來顏色半泥沙四蹄不鑿金砧裂

杜詩脫促蹄高如踏鐵又驄馬

新鑿蹄足銀砧

漢天馬曲兮破層冰

雙眼慵開玉筋斜

玉筋淚也

墮月兔毫

乾殼觶

孟子曰吾不忍其觶觶

失雲龍骨瘦查牙平原好放無人

放嘶向秋風苜蓿花

前漢西域傳大宛人嗜蒲萄酒馬嗜苜蓿後漢使其種種於離宮

別館鮑防詩

天馬長銜苜蓿花胡人歲獻蒲萄酒杜詩漢馬驄肥秋苜蓿

二

壠上沙蔥葉未齊

沙蔥草名馬宜之

騰黃猶自跼羸蹄

周書王會騰黃

神馬也一名乘黃一名飛黃似狐有五肉角一日千里漢書何乃局促如轅下駒

尾蟠夜雨紅

絲脆頭掉秋風白練低

顏子望吳關遠橫白練孔子曰非也乃白馬之光

力僊

未思金絡腦

傳玄良馬賦曰金羈在首發以鳴珂鏤鞍采鞞織防含華

影寒空望錦

障泥

障平聲馬著連乾

晉書王武子有馬癖且知其性嘗乘一障泥前有水不肯渡王云此必是惜障

泥使人解去便徑渡水

堦前莫怪雙垂淚不遇孫陽不敢嘶

孫陽伯樂

也

三

不翦焦毛鬣半翻何人別是古龍孫

別入聲 龍孫馬名青海之傍馬多

龍種

風吹病骨無驕氣土蝕蔥花見卧痕

蔥花青白色也

未噴斷

雲歸漢苑

前漢武帝天馬歌曰  
簡浮雲兮晻上馳

曾追輕練過吳門

家語  
顏回

望吳門馬見一疋練孔子曰馬也然則馬之光景一疋長耳故號馬為疋

一朝千里心猶在

古樂府老驥伏櫪志在千里烈士暮年壯心不已

爭肯潛忘餽飼恩

奉送嚴大夫再領容府

二首

海風卷樹凍嵐消憂國寧辭嶺外遙自顧勤勞甘百戰

不將功業負三朝

三朝謂憲宗穆宗敬宗也

劍澄黑水曾芟虎

芟所街切

謂殺虎也

箭劈黃雲慣射鵬

後魏秦王幹善弓馬嘗從太宗出白登有雙鵬幹以二箭俱下

之軍中號為射鵬都尉

代北天南盡成事肯將心許霍嫖姚

前漢霍去

嫖姚嫖姚校尉註病為嫖姚校尉註嫖姚勁疾貌也

又

日照雙旌射火山

嶺表錄梧州西有火山山下有澄潭無底山頂夜見火三尺如野燒之甚者

廣十餘丈或言水中有寶珠也燄如火山上產荔枝四月子丹以其地熱故曰火山

笑迎賓從却

南還風雲暗發談諧外感會潛生氣際間

范曄二十八將論曰威能

感會風雲奮其智勇稱  
為佐命志能之士也

斲竹水翻臺榭濕刺桐花落管

絃閑

刺桐見前

無因得鞞真珠履親從新侯定八蠻

鞞音颯史記

春申君客三千人其上客鞞真履  
書旅檠遂通道於九夷八蠻

### 贈南嶽馮處士二首

白石溪邊自結廬

陶潛詩云結廬在人境而無車馬喧

風泉滿院稱幽居

文選王簡栖頭陀寺碑云崖谷共清風泉相渙禮記曰儒有幽居而不淫

鳥啼深樹斲靈

藥花落閑牕看道書煙嵐晚過鹿裘濕

晉郭文字文舉恆著鹿皮裘葛

巾不飲酒食肉

水月夜明山舍虛支頤冷笑緣名出終日王門

強曳裾

曳裾見前註

又

寂寥深木閉煙霞洞裏相知有幾家笑看潭魚吹水沫

醉噴溪鹿喫蕉花穿厨歷歷泉聲細繞屋悠悠樹影斜

陶詩繞屋樹扶疎

夜靜著灰封釜竈自添文武養丹砂

文武修煉之火

候也

勗劍

古物神光雪見羞未能擎出恐泉流

越絕書曰王取純鉤薛燭觀其光如

水之溢於塘觀其暗臨黑水蛟螭泣漢王褒頌曰清水

文煥如冰之將釋潛倚空山鬼魅愁生怕雷霆號澗底長聞

鏐水斷蛟龍陸剌犀象

風雨在牀頭垂情不用將糜氣糜字疑誤別本作閑惱亂司空犯

斗牛晉張華為司空見斗牛之間常有紫氣與雷煥觀之曰此寶劍之祥也問煥曰在何郡煥曰在豐城

即補煥為豐城令到縣掘獄基得二劍雄曰龍泉雌曰太阿

### 題子姪書院雙松

自種雙松費幾錢  
頃令院落似秋天  
能藏此地新晴雨  
却惹空山舊晚煙  
枝壓細風過枕上  
影籠殘月到牕前

莫教取次成閑夢使汝悠悠十八年

三國志吳丁固為尚書夢松生其腹

上謂人曰松字乃十八公也後十八年吾其為公乎卒如夢焉

羽林賈中丞

四十年前百戰身

前漢李廣結髮與匈奴大小七十餘戰

曾驅虎隊掃邊

塵風悲鼓角榆關暮

勝州東有隋林宮及榆林關秦蒙怙破胡闢地十里壘石為城植榆

為塞日暖旌旗隴草春鐵馬慣牽邀上客

鐵馬介馬也

金魚多

解乞佳人

乞去聲杜詩銀甲彈箏用金魚換酒來

胸中別有安邊計誰采

髭鬚白似銀



# 送康祭酒赴輪臺

灞水橋邊酒一杯送君千里赴輪臺

輪臺西域地名前漢西域傳曰輪

臺渠犂皆有田卒數百人霜黏海眼旗聲凍風射犀文甲縫開

犀革所以

為甲也左傳曰犀兕尚多丹漆若何棄甲則那斷磧簇煙山似米

後漢馬援說光武破隗囂

之狀聚米為山谷指畫形勢道徑往來昭然可曉帝曰虜在吾目中矣

野營軒地鼓如雷

三國志周瑜敗曹公於赤壁雷鼓而進北軍大壞

分明

會得將軍意不斬樓蘭不擬迴

前漢傳介子北地人時龜茲樓蘭皆嘗殺漢使

者介子謂霍光曰龜茲樓蘭數反覆而不誅無所懲艾於是白遣介子齎金幣至樓蘭其王貪漢物來見使者

壯士二人從後刺之斬首請闕封為義陽侯

南遊

盡興南遊卒未迴水工舟子不須催

詩飽有苦葉招招舟子人涉叩否

政思碧樹關心句

文選江淹詩碧樹先秋落

難放紅螺蘸甲杯

嶺表異錄

云紅螺類鸚鵡殼薄而紅堪為酒杯白樂天詩一極扶頭酒泓澄瀉玉壺十分蘸甲酌漱豔滿銀盃

漲海

潮生陰火滅

王子年拾遺記曰西海之西有浮玉山下有穴穴中有水其色如火波濤灌蕩火不

滅名陰火賦陽水不治陰火潛然

蒼梧風暖瘴雲開

蒼梧秦時屬桂林郡舜帝

南遊沒於此野

蘆花寂寂月如練何處笛聲江上來

哭陷邊許兵馬使

北風裂地黯邊霜，戰敗桑乾日色黃。

桑乾水名屬雲中郡

故國暗

迴殘士卒新墳空，葬舊衣裳

禮有招魂葬

散牽細馬嘶青草

散上聲

太白詩

二八佳人細馬馱

任去佳人弔白楊

古詩白楊何蕭蕭風吹悲殺人

除

却陰符與兵法

黃帝有陰符經

更無一物在儀床

儀床供靈之几筵也

長安客舍懷蕭使君邵陵舊宴

粉雉丹軒畫障西

杜詩雉堞粉如雲

水雲紅樹窳璇題

揚雄甘泉賦蓋

天子穆然珍臺閑館璇題玉英鮑明遠詩綉薨結飛霞璇題納行月

鷓鴣欲絕歌聲定，鴈

鵲初驚舞袖齊

晉書王導補謝尚為豫有勝會謂尚曰聞君能作鵲舞一座傾想尚便著衣

幘俯仰而舞令客擊節旁若無人

坐對玉山難旬線

晉嵇康醉倒如玉山之將頽如

聽金石怕低迷

樂書有八音金石絲竹匏土革木此指樂聲也嵇康養生論曰夜分而坐則

低迷思寢

東風夜月三年飲不省歸時不似泥

李白襄陽歌傍人借問笑

何事笑殺山翁醉似泥無骨名曰泥水中則活失水則醉如一塊泥然

稗官蟲說云南海有蟲

宋邕

謹按以下遊仙詩一十一首出曹唐集中他集亦然今先生題作宋邕必有據矣

劉晨阮肇遊天台

天台山名在台州真誥曰台州山上應台星故曰天台

樹入天台石路新雲和草靜迥無塵煙霞不省生前事

水木空疑夢後身  
往往雞鳴巖下月  
時時犬吠洞中春  
不知此地歸何

淮南王安臨仙去餘藥在鼎中雞犬故之皆得飛升故雞鳴雲中犬吠天上

處須就桃源問主人

桃源見前注

### 劉阮洞中遇仙人

天和樹色靄蒼蒼  
霞重嵐深路渺茫  
雲竇滿山無鳥雀

水聲沿澗有笙簧  
碧沙洞裏乾坤別  
紅樹枝邊日月長

願得花間有人出  
免令仙犬吠劉郎

漢永平間有劉晨阮肇入台州天台

縣西北二十里山中採藥失道食盡見桃實食之覺身輕行數里至岸許有二女笑迎作食胡麻飯山羊脯甚

唐詩鼓吹

美後欲求去會集衆樂共送劉阮指示  
元路既出無復相識至家子孫七世矣

仙子送劉阮出洞

殷勤相送出天台仙境那能却再來雲液既歸須強飲

雲液酒名

玉書無事莫頻開花當洞口應長在水到人間定

不迴惆悵溪頭從此別碧山明月照蒼苔

淮南子曰窮谷之汚生以

蒼苔

仙子洞中有懷劉阮

不將清瑟理霓裳

霓裳曲名唐葉法善引明皇入月宮聞樂聲歸但記其半會西涼府楊敬

蓬進婆羅門曲聲調  
乃合二者製霓裳羽衣曲

塵夢那知鶴夢長  
洞裏有天

春寂寂人間無路月茫茫

左傳虞人箴曰茫茫禹跡畫為九州

玉沙瑤草

連溪碧流水桃花滿澗香  
曉露風燈易零落此生無處

問劉郎

問一作訪

劉阮再到天台不復見諸仙子

再到天台訪玉真  
青苔白石已成塵  
笙歌寂寞閑深洞  
雲鶴蕭條絕舊鄰  
草樹總非前度色  
煙霞不似往年春  
桃花流水依然在  
不見當年勸酒人

玉女杜蘭香下嫁於張碩

天上人間兩渺茫不知誰識杜蘭香

塘城仙錄有漁父於湘江洞庭之岸

聞兒啼聲視之三歲女子漁父舉之十餘歲天姿奇偉真天人也忽有青童自空而來攜女而去臨升謂其父

曰我仙女杜蘭香也有過謫於人間其後洞庭包山降張碩家蓋碩修道者也授之以舉形飛化之道久之碩

仙去漁父以學道不食後不知所之來經玉樹三山遠

三山見前注

去隔銀河

一水長

銀河即天河也

怨入清塵愁錦瑟

錦瑟謂木紋似錦也

酒傾玄露

醉瑤觴遺情更說何珍重

遺一作多

擘破雲鬟金鳳凰

白樂天長

恨歌釵留一股合一扇釵擘黃金合分鈿



張碩重寄杜蘭香

碧落香銷蘭露秋，星河無夢夜悠悠。靈妃不降三清駕，

太真料曰：三清之間各有正位。聖登玉清真，登上清仙，登太清。仙鶴空成萬古愁。皓月

隔花追歎別飛煙，籠樹省淹留。人間何事堪惆悵，海色

西風十二樓。

漢書：公孫卿言：黃帝時為十二樓以候神人。又崑崙山有五城十二樓，皆仙人居之。

織女懷牽牛

續齊諧記曰：桂楊成，武丁有仙道，謂其弟曰：七月七日織女當渡河。

諸仙悉還宮，弟問曰：織女何事渡河？答曰：織女暫詣牽牛，世人至今云織女嫁牽牛也。

北斗佳人雙淚流

李元獨異志云：秦并六國後，太白星竊織女侍兒梁玉清，衛承莊逃入衙。

城小仙洞四十六日不出天帝怒命五岳搜捕太白歸  
位承莊逃焉玉清有子名子休玉清謫於北斗下當春  
其子休配與河伯行雨每至小仙洞恥  
其母淫奔之所輒回故此地常少雨  
眼穿腸斷為牽

牛封題錦字凝新思

晉竇滔妻織錦字作回文寄滔故曰錦字

拋擲金梭織

舊愁桂樹三天煙漠漠

真人傳太真我所服太和自然龍胎之體適所授三天真人不

可以教始學者

銀河一帶水悠悠欲將心向僊郎說借問榆花

早晚秋

古樂府詩曰天上何所有歷歷種白榆謂星也

簫史攜弄玉上昇

豈是丹臺歸路遥

南真傳曰九宮真人出入紫鸞煙駕皆從黃闕丹臺中間為道

不同飄

玉清隱書上真則飛龍翼轅中真則紫鳳持節下真則太極騰輶

一聲洛水傳

幽咽萬片宮花共寂寥紅粉美人愁未散清華公子笑

相邀

大有經曰玉華清宮有寶經應為真人者授之

緱山碧樹青樓月

李白詩云瑤臺

有黃鵠為報青樓人

腸斷春風為玉簫

皇初平將入金華山

神仙傳皇初平年十五家使牧羊有道士見其良謹

將至金華石室中四十餘年不復念家其兄初起行索之歷年不得後見市中有道士問之道

士曰金華山中有牧羊兒皇初平兄乃隨道士得與相見因問羊今何在曰在山東兄往視之

但見白石滿地初平曰羊在此兄覓不見乃叱白石皆起成羊數萬頭金華山在婺州山有

金華洞第三十六  
金華洞元之天

莫道真遊煙景賒  
瀟湘有路入金華  
溪頭鶴樹春常在  
洞口人間日易斜  
一水暗迴閑繞澗  
五雲長往不還家

白羊成隊難收拾  
喫盡溪邊巨勝花

廣雅云巨勝一名胡麻 陶隱居云

莖方者巨勝圓者胡麻可作蔬道人多食之形類麻故名胡麻 參同契云巨勝可延年還丹入口

漢武帝思李夫人

惆悵朱顏不復歸  
晚秋黃葉滿天飛  
迎風細苻傳香粉

隔水殘霞見畫衣  
白玉帳寒鴛夢絕

漢武故事曰帝起玉堂基堦盡用白

玉  
紫陽宮遠雁書稀  
靈書經曰紫微上  
夜深池上蘭橈

歇  
楚辭蓀橈兮蘭旌注橈小楫也  
斷續歌聲接太微  
太微星名

李益  
字君虞隴西人大歷中進士及第憲宗聞其才名召為秘書少監遷禮部尚書致仕有集傳於

世

胡兒飲馬泉  
鄜善長水經曰余至長城下往往有泉窟可飲馬問之皆秦築城卒

取水處也

綠楊如水草如煙  
如水一作著水  
舊是胡兒飲馬泉  
幾處吹笳

明月夜何時倚劒白雲天  
宋玉賦長綯倚天外  
從來凍合關山路

今日分流漢使前莫遣行人照容鬢恐驚憔悴入新年

鸛雀樓

鸛雀樓西百尺檣

鸛雀樓在今河中府

汀洲雲樹共茫茫漢家簫

鼓空流水

漢武帝秋風辭上幸河東而作辭曰魏國山橫中流兮揚素波簫鼓鳴兮發棹歌

魏國山

河半夕陽

史記吳起傳魏武侯曰美哉山河之固此魏國之寶也吳起曰在德不在險今河中府即

古魏地

事去千年猶恨促愁來一日即為長風煙併起思

鄉望遠目非春亦自傷

宋玉招魂曰目極千里兮傷春之魂兮歸來哀江南

賈島

字閻仙范陽人連敗文場遂為浮屠後舉進士及第有文集并詩格一卷傳於世閻仙學浮

屠來東都時洛陽禁僧徒不得出島為許韓愈憐之  
因教去浮屠舉進士當其苦吟雖值公卿貴人皆不  
之覺劉公佳話云島初赴舉京師一日於驢上得句  
云鳥宿池邊樹僧敲月下門因欲著推字遂於驢上  
吟哦引手作推敲勢時韓愈吏部權京兆島不覺沖  
至第三節左右擁至尹前具對韓立馬良久曰作敲  
字佳遂並轡而歸自此名著又按類編故事島一日  
在法乾寺與僧談詩其卷在案上宣宗嘗微行至寺  
見島卷取而觀之島不識帝怒目視之曰郎君  
何會此耶奪卷回明日島纔知入謝除長江司

### 酬張籍王建

疎林荒宅古坡前久住還應太守憐  
漸老更思深處隱

多閑數得上方眠

杜詩上方重閣晚上方僧寺最深處

鼠拋貧屋收田日

雁度寒江擬雪天身事龍鍾應是分

唐裴度傳見我龍鍾故相戲耳水

曹芸閣往來篇

張籍字文昌為水曹員外郎時同在長安與島為詩友芸閣指王建魚蔡典畧

曰芸閣辟紙蠹故藏書閣曰芸閣

章碣

碣錢塘人孝標之子也進士不第竟流落不知所終有詩集行於世

春別

擲下離觴指亂山趨程不待鳳笙殘花邊馬嚼金銜去

樓上人垂玉筍看

魏文帝甄后面白淚雙垂如玉筍

柳陌雖然風裊裊

蔥河猶自雪漫漫

蔥河謂蔥嶺之河也

慇懃莫厭貂裘重

戰國策蘇秦說



李兌兌送秦以黑  
貂裘黃金百鎰

恐犯三邊五月寒

三邊西方北方西北方此三處皆固

陰沍寒也

### 送謝進士歸閩

百越風煙接巨鼇

呂氏春秋時君賢篇揚漢之南百越之際高誘注曰越有百種列子渤海之

東有五山岱輿員嶠方壺瀛洲蓬萊皆仙人所居五山之根無連著隨潮上下帝恐流於西極命策強使巨鼇十五

舉首戴之始不動

還鄉心壯不知勞雷霆入地建溪險

建溪屬建寧府源出

武夷至城外今東溪是也

星斗逼人黎嶺高

泉山記曰黎嶺在泉山郡東十五里因黎以得名

却擁木綿吟麗句

閩嶺志南方多木綿土人競植之采其花為布

便攀龍眼醉香

金少府人卷四  
琴龍眼如荔枝樹但枝葉稍小殼青黃色形如彈丸核如  
木梳子不堅肉白而帶漿甘似蜜作穗如蒲萄然荔枝  
熟後方出故  
名荔枝奴  
名場聲利喧喧在莫向林泉改鬢毛

李頻

字德新睦州人大中八年進士調秘書郎擢都官  
員外郎除建州刺史卒於官有集一卷行於世

湖口送友人

中流欲暮見湘煙葦岸無窮接楚天去雁遠衝雲夢雪

離人獨上洞庭船

洞庭見前注

風波盡日依山轉星漢通宵

向水連零落梅花過殘臘故園歸去及新年

杜荀鶴

字彥之早有詩名累舉不第大甲中登科後  
遷主客員外郎大祐初卒自號九華山人有

詩集行  
於世

# 雪

風攪長空寒骨生先于曉色報牕明江湖不見飛禽影

巖谷惟聞折竹聲巢穴幾多相似處

英華作溝壑本深無復滿

路岐

兼得一般平擁袍公子莫言冷中有樵夫跣足行

百斛明珠

曰貴公子被貂裘雪中飲醉臨檻向風曰爽哉此風左右皆泣下公子驚問曰吾父昔日以爽亡楚襄王登臺有風颯然至王曰快哉此風寡人與衆共耶宋玉曰此獨大王之風庶人安得而共之惜乎今宋玉不在傍也

崔顥

汴州人開元十一年登進士第累至尚書司勳員外郎有詩一卷傳於世

昔人已乘白雲去此地空餘黃鶴樓

唐國經費文祿登仙駕黃鶴返憩於

此黃鶴一去不復返

漢蘇子卿詩黃鶴今遠別千里顧徘徊

白雲千載空

悠悠晴川歷歷漢陽樹

漢陽在大江北與武昌相對

芳草萋萋鸚鵡

洲

在江中魏禰衡為黃祖客大宴賓客有獻鸚鵡者令衡賦之後殺衡於其上名焉

日暮鄉關

何處是煙波江上使人愁

李頎

東川人開元中貢李隣榜進士調新鄉縣尉有集今傳於世

### 題濬公山池

遠公遁跡廬山岑

南史周續之入廬山事釋惠遠彭城劉遺民遁跡廬山陶淵明不應徵命

謂之薄開山疑作開士陽三隱祇垣林樹開山幽居祇樹林名梵云祇陀洹此戰勝即太

子名須達長者施園祇陀太子施樹為佛說法處故後人曰祇園見金剛經注片石孤峯窺色

相苦薩木經佛者有大神力身紫金清池白月照禪心色三十二相前智無窮却覩無極

清池明月指揮如意天花落晉王敦嘗歌以鐵如意擊玉唾壺盡缺又高僧手嘗

持如意塵尾以資談興維摩經時維摩詰室有一天女見諸大人所說法便見其身即以天花散諸菩薩大

弟子上花至諸菩薩皆落至弟子便著不墮坐卧閑房春草深此外俗塵俱

不染唯餘玄度得相尋高陽許詢字玄度居會稽與高僧支遁從遊談老莊

# 題盧公舊居

物在人亡無見期

劉向新序曰哀公問於孔子曰寡人生於深宮未嘗知哀孔子曰然人君

入廟門仰見榱桷俯見几筵其器在其人亡君以此思哀將安不在矣

閑庭繫馬不勝悲

牕前綠竹生閒地門外青山似舊時悵望秋天鳴墜葉

巒岼枯柳宿寒鴟憶君淚落東流水歲歲開花知為誰

趙嘏

字承祐山陽人會昌二年進士第仕為渭南尉有渭南集行於世

長安月夜與友人話故山

宅邊秋水浸苔磯日日持竿去不歸楊柳風多潮未落  
蒹葭霜在雁初飛重嘶匹馬吟紅葉却聽疎鐘憶翠微

今夜秦城滿樓月

秦都長安故曰秦城

故人相見一霑衣

曲江春望懷江南故人

杜若洲邊人未歸

杜若香草名文選汀洲生杜若

水寒煙暖想柴扉

杜詩

老恐失柴扉

故園何處風吹柳新雁南來雪滿衣  
目極思隨

原草遍

宋玉招魂目極千里今傷春心魂兮歸來哀江南

浪高書到海門稀此

時愁望情多少萬里春流遶釣磯

寄歸

三年踏盡化衣塵

陸士衡詩云京洛多風塵素衣化為緇

只見長安不見

春馬過雪街天欲曉鄉迷雲樹淚空頻桃花塢接啼猿

寺野竹亭通畫鷁津

方言云船首謂之間亦謂之鷁首郭璞注江東貴人船前畫青雀是

也梁庾肩吾詩云入徑轉金輿開橋通畫鷁

早晚粗酬身事了水邊歸去一

閑人

長安晚秋

雲物淒涼拂曙流漢家宮闕動高秋殘星幾點雁橫塞

長笛一聲人倚樓

杜紫微覽此一聯賞詠不已因稱為趙倚樓

紫豔半開籬

菊靜紅衣落盡渚蓮愁鱸魚正美不歸去

鱸魚事見前注

空戴



南冠學楚囚

左傳晉侯觀於軍府見鍾儀楚囚而南冠者問其族曰伶人也與之琴操南音公曰

君子也

### 憶山陽

家在枚臯舊宅邊

前漢枚臯乘之子也淮陰人也舊宅在縣南二百步

竹軒晴與

楚坡連

坡一作橋

菱荷香遠垂鞭袖楊柳風橫弄笛城礙

十洲煙島路

淮安志山陽城離海百餘里故云朔十洲記巨海之中有祖洲瀛洲玄洲炎

東方

洲長洲元洲流洲生洲鳳麟洲聚窟洲並是人跡稀絕之處

寺臨千頃夕陽川可憐

時節堪歸去花落猿啼又一年

又

折柳磯邊起暮愁可憐春色獨懷羞  
露襟正歎人間事

回首更慙江上鷗

江鷗見前注

鷓鴣聲中寒食酒

楚辭恐鷓鴣之先鳴

今使夫百草為之不芳  
詳見前注

芙蓉花外夕陽樓

此聯思山陽春秋之景

憑高

滿眼送清渭

渭水二水在長安渭清渭濁故曰渭水一石其泥數斗

去傍故山山

下流

東望

楚江橫在草堂前  
楊柳洲邊載酒船  
兩見梅花歸不得

每逢寒食一潛然斜陽映閣山當寺微綠含風樹滿川

同郡故人攀桂盡把詩吟向沈寥天

沈音血楚辭沈寥兮天高而氣清

寂寥兮收潦而水清注蕭條無雲貌

### 寒日新豐別故人

一百五日家未歸新豐雞犬獨依依

漢書地理志太上皇思東歸豐沛高

祖乃令巧匠於長安改築城寺街里以象豐盡徙豐中人實之雞犬識其家故曰新豐

滿樓春色

傍人醉

傍去聲

半夜雨聲前計非繚繞溝塍含景晚

塍音繩

荒涼樹石向川微東風吹淚對花落顚悴故交相見稀

崔塗

字禮山光啓中鄭貽矩榜中進士及第有集今傳

鸚鵡洲春眺

悵望春襟鬱未開重臨鸚鵡益堪哀曹瞞尚不能容物

黃祖何因解愛才

後漢禰衡字正平平原人也少有才辨而尚氣剛傲慢物曹操欲見之不

肯往後孔融言於曹使衡自謝衡乃手持三尺棧杖搥地大罵吏白操操怒謂融曰禰衡豎子孤殺之猶鳥雀耳顧此人素有虛名遠近將謂孤不能容今送與劉表視當如何於是遣人騎送之後以侮慢表不能忍以江夏太守黃祖性急故送與之有獻鸚鵡於祖子射者時會賓客於洲上令衡為賦攬筆而就後在祖會上言不遜祖欲箠之衡方大罵祖恚遂令殺之曹瞞操之小字也

幽島暖聞燕雁去曉江

晴覺蜀波來誰人正得風濤便一點輕帆萬里迴

過繡嶺宮

在山驪

古殿春殘綠野陰上皇曾此駐泥金

五經通義曰易姓而王太平必封泰

山禪梁父以黃金為泥以銀為繩經無明文以義說之封禪儀注曰持禮三十人上發壇上十石礧尚書令北

向跪藏玉牒畢持禮覆石礧尚書令封上十石檢亦纏以銀繩泥以金泥四方各依其色唐明皇開元十三

年十月東封太山禮官學士賀知章為玉牒文三城帳屬升平夢

唐開元二十一年春吐蕃

金城公主請內屬立碑於赤嶺以分唐境帝許之天寶元年突厥公主率其餘帳來降四載回紇可汗擊突厥

白箭可汗殺之於是北邊晏然十二載安祿山擊奚突丹破之虜其王今詩意謂吐蕃突厥契丹三帳也時三

城內屬天下無事安史之亂實兆於此 韓國公張仁  
應於河北築三受降城距各四百里置烽火一十八百  
所突厥不敢南向 一曲鈴關悵望心 玄宗幸蜀雨中聞鈴聲  
遂令梨園製雨淋鈴曲苑

路暗迷香輦絕繚垣秋斷草煙深

張平子西京賦云繚垣綿聯四百餘里植

物斯生動物斯止

前朝舊物東流在猶為年年下翠岑

春夕旅次

水流花謝兩無情送盡春風過楚城蝴蝶夢中家萬里

莊子莊周夢為蝴蝶栩栩然蝴蝶不知周也俄而覺則  
蘧蘧然周也不知周之夢為蝴蝶與蝴蝶之夢為周與

子規枝上月三更

案宇記蜀帝名杜宇後亡去化為子規故蜀人聞子規鳴曰是我望帝也

故園書動經年絕華髮春惟滿鏡生自是不歸歸便得

五湖煙景有誰爭

五湖見前注

李郢

字楚望大中十年進士歷藩鎮從事拜侍御史有集一卷傳世

### 送人之嶺南

關山迢遞古交州

交州楚之交地武帝既定百越以廣州為南海郡唐廣州領嶺南五府事

歲晏憐君走馬遊謝氏海邊逢素女

謝端福州侯官人少喪父母鄰人養

之恭謹自守端於海邊得一螺如三升壺貯甕中端每耕作還飯飲湯火如有人所為端疑之早出從籬外窺之見一少女從甕中出端入問之女倉卒欲入甕不得答曰我天漢中白水素女也天帝哀卿孤慎使我炊烹

君得婦我自當去端娶越王潭上見青牛南越志綏安縣北連山昔

後天忽風雨翕然而去越王建德伐木為船其大十石以童男女三千人牽之既而俱墜於潭時時聞附船有唱督之聲更有青牛與

船俱見神靈之至萬臺月照啼猿曙萬當作萬有疎石廣六十丈高三百

何土人謂石室煙含古桂秋嶺南多生桂樹故云迴望長安五十

里刺桐花下莫淹留刺桐見前注離騷經時續紛其變易兮人何可以淹留

### 江亭春霽

江籬漠漠荇田田楚辭危江籬與薜芷兮籬草生江中曰江籬薜蘿也江上雲亭

霽景鮮蜀客帆檣背歸燕楚山花木怨啼鵑春風掩映



千門柳曉色淒涼萬井煙金磬泠泠水南寺

大選陸士衡詩山溜

何泠泠飛泉漱鳴玉

上方僧室翠微連

上方翠微已見前注

友人適越路過桐廬寄題江驛

桐廬縣前洲渚平

桐廬今建德府

桐廬江上晚潮生莫言獨有

山川秀過日仍聞官長清麥隴虛涼當水店鱸魚鮮美

稱蓴羹

見前注

王孫客棹殘春去

楚辭云王孫遊兮不歸春草生兮萋萋

相

送河橋羨此行

李陵詩云攜手上河梁遊子暮何之

秦處士移家富春發樟亭懷寄

潮落空江洲渚生知君已上富春亭

建德府嚴麥山有富春亭

嘗聞

郭邑山多秀更說官僚眼盡青

晉阮籍能為青白眼見俗士以白眼對之見嵇

康乃作青眼

離別幾宵魂耿耿

毛詩耿耿不寐如有隱憂

相思一座髮星

星

星星髮半白也

仙翁白石高歌調

神仙傳曰白石生者嘗烹白石為糧就白石山居故

時人號曰白石先生

無復松齋半夜聽

### 暮春山行田家歇馬

雨濕菰蒲斜日明茅厨煮蠶掉車聲青蛇上竹一種色

沙門贊寧筍譜曰赤玉脂桃竹也青蛇枝苦竹也

黃蝶隔溪無限情何處漁樵

將遠餉故園田土憶春耕千峯靄靄水滴滴

滴音決離騷九章云

記滴滴其前後分伴張弛之信期

羸馬此中愁獨行

### 江亭晚秋

碧天涼冷雁來疎閑看江亭思有餘秋館池亭荷葉歇  
野人籬落豆花初無愁自得仙翁術多病能忘太史書

謂司馬太史公

聞說故園香稻熟片帆歸去就鱸魚

### 送劉谷

村橋西路雪初晴雲暖沙乾馬足輕寒澗渡頭芳草色

新梅嶺上鷓鴣聲郵亭已送征車發山館誰將候火迎  
落日千峯轉迢遞轉上聲知君回首望高城

贈羽林將軍

百家詩作江上逢王將軍

虬鬚憔悴羽林郎

應劭漢官儀曰羽林言其為國羽翼如林之盛也

曾入甘泉

侍武皇

漢武起甘泉宮故曰甘泉侍武皇

鵬沒夜雲知御苑馬隨仙仗

識天香

仙一作春仗謂儀鑾也

五湖歸去孤舟月六國平來兩鬢

霜

上比范蠡下比王翦俱見前注

惟有桓伊江上笛卧吹三弄送殘陽

晉桓伊善音樂畜一蔡邕柯亭笛嘗自吹之王徽之泊舟清溪側素不相識徽之便令人謂曰試為我奏伊時

貴顯素聞徽之名便下車踞胡床而作三弄  
畢便去客主不交一言 笛譜有梅花三弄

### 上裴晉國

四朝憂國鬢成絲

四朝謂憲穆敬文也 本傳云度嘗為天下輕重四朝以全德始終及歿

天下莫不思其風烈

龍馬精神海鶴姿天上玉書傳詔夜陣前金

甲受降時

唐憲宗以密旨付晉公討淮西晉公命李愬雪夜入蔡擒吳元濟降其衆

曾經庾

亮三秋月

晉庾亮鎮武昌諸佐吏乘月登南樓俄而亮至將起避之亮曰諸君且坐老子興復不淺

遂據胡床與佐吏談咏

下盡羊曇一局棋

晉書苻堅率衆百萬次淝水京師震恐加謝安

征討大都督兄子玄問計安曰已別有旨又令張玄重請安命駕出墅親朋畢集而安方與玄圍棋睹別墅安

常劣於玄是日玄懼便為敵手而不  
勝安顧謂甥羊曇曰以別墅乞汝  
惆悵舊堂扃綠野

晉公於洛陽午  
橋南起綠野堂  
夕陽無限鳥飛遲

### 故洛陽城

胡兵一動朔方塵

胡兵謂安史之亂也

不使鑾輿此重巡

鑾輿帝乘也

清洛但流鳴咽水上陽深鎖寂寥春

深一作閑上陽宮名

雲收少

室初晴雨

嵩山有少室太室二峯

柳拂中橋晚渡津

中橋宮中橋也

欲問

升平無故老鳳樓回首落花頻

韋蟾

送盧藩尚書之靈武

賀蘭山下果園成

涇陽圖經曰賀蘭山在縣西九十三里山上多有白草遙望青白如駝北

人呼駝馬為賀蘭鮮卑日多因山谷為族氏

塞北江南舊有名水木萬家朱

戶暗弓刀千騎鐵衣明

古樂府云朔氣傳金柝寒光照鐵衣

心源落落堪

為將膽氣堂堂合用兵

詩曰擊鼓其鏜踴躍用兵

却使六蕃諸弟子

唐書六蕃謂明威昆池番禾武安麗水姑臧也皆置府以領之

馬前不信是書生

薛能

字太拙汾州人會昌中登第累至都官刑部員外郎為京兆尹徙徐州節度使移鎮武昌為賊

所殺有集十卷并繁城集一卷傳焉

秋夜旅舍寓懷

庭鎖荒蕪獨夜吟西風吹動故山心

山一作園

三秋木落半

年客滿地月明何處砧漁唱亂沿汀鷺合雁聲寒咽隴  
雲深平生只有松堪對露浥霜欺不受侵

獻僕射相公

清如水玉重如山百辟嚴趨禮絕攀

言其尊重禮與百官絕席也

強

虜外聞應破膽平人長見盡開顏朝廷有道青春好門

館無私白日閑致却垂衣更何事

書武成惇信明義崇德報功垂拱而天下



治注垂衣拱手而天下自治矣 劉向新序云齊桓公  
曰王者勞於求人逸於得賢舜舉衆賢在位垂衣裳恭  
已無爲而 幾多詩句詠關關 詩周南關關雎  
天下治 鳩在河之洲

### 漢南春望

獨尋春色上高臺三月皇州駕未迴

唐僖宗廣明元年十二月黃巢陷長

安僖宗幸蜀時能為京兆尹

幾處松筠燒後死誰家桃李亂中開

晉書

史臣曰衛瓘撫武帝之牀張華距趙倫之命進諫則伯玉居多臨危則茂先為美松筠無改則死勝於生也  
蓋桃李止一時之榮松筠有後凋之節故以松筠比忠烈桃李喻小人時中原擾攘天子蒙塵斯誠版蕩識忠臣故忠烈之士見危授命小人則貪生苟活與時浮沈者多矣此其微意也歟

姦邪用法元非

法唱和求才不是才

詩鄭國風箴兮刺忽也君弱臣強不唱而和也天子之職求賢而已

用非其才法必大壞既姦邪用法則所求和者非其才也

自古浮雲蔽白日洗天風

雨幾時來

漢陸賈新語曰邪臣之蔽賢猶浮雲之蔽白日也李白詩云自古浮雲能蔽日長安不

見使人愁

### 清夜泛舟

都人層立似山丘坐嘯將軍擁棹遊

後漢成瑨為南陽太守委功曹岑暉

郡中謠曰南陽太守岑公孝弘農成瑨但坐嘯

遶郭煙波浮泗水

山海經曰泗水出魯東北

說文曰泗水入於淮

一船絲竹載涼州

魏文帝與吳質書云每至觴酌流行絲竹

並奏西域記曰龜茲國王與其臣庶知樂者於大山間聽水聽風之聲均節成音後翻入中國如伊州涼州甘州皆龜茲境也明皇雜錄帝自蜀回夜登勤政樓倚闌南望煙月滿目因歌庭前琪樹已堪攀塞北征人尚未還聞里中亦有歌此者謂力士曰得非梨園舊人乎遲明訪之果然其夜復乘月登樓惟力士及貴妃侍者紅梅在傍命歌涼州涼州則貴妃所製帝親御玉笛曲罷無不掩泣因廣其曲傳之人間也

望皆丹腹

書曰惟其塗丹腹丹書曰惟其塗丹腹

郭璞山海經云

旗裏驚

飛盡白鷗儒將不須誇卻穀

左傳晉文公謀元帥趙衰曰卻穀可臣亟聞其言矣

說禮樂而敦詩書詩書義之府也禮樂德之則也德義利之本也君其試之乃使卻穀將中軍未聞詩

句解風流

秦韜玉

字中明京兆人少有詞藻諂事大閹田令孜未期年官至鹽鐵保大軍節度判官中和間

放榜賜進士第令孜引擢工部侍郎有投知錄傳於世

對花

長與韶光暗有期

春色為韶光取和暢之義

可憐蜂蝶却先知誰家

促席臨低樹

陶淵明停雲詩云安得促席說彼平生

何處橫釵帶小枝麗

日多情疑曲照

易離卦云日月麗乎天

和風得路合偏吹

爾雅春晴日出

而風曰光風亦曰和風

向人雖道渾無語幾勸王孫到醉時

王孫見前

注

貧女

蓬門未識綺羅香，擬托良媒亦自傷。誰愛風流高格調，

共憐時世儉梳粧。

唐文宗下詔禁高髻儉粧去眉開額

敢將十指誇纖巧，

不把雙眉鬬畫長。

魏宮人好畫長眉，今人效作蛾眉。

最恨年年壓金線，

為他人作嫁衣裳。

此篇王傷不遇，自況之意也。

長安書懷

西風吹雨滴寒更，鄉思撩人撥不平。長有歸心懸馬首，

左傳：惟予馬首是瞻。

可堪無寐枕蠶聲。嵐收楚岫和空碧，秋染湘

江到底清早晚身閑著簑去橘香深處釣舟橫

鸚鵡

每聞別雁竟悲鳴却羨金籠寄此生早是翠衿爭愛惜

可堪紅背強分明

補衡鸚鵡賦云紺趾丹背綠衣翠衿杜詩翠衿渾短盡紅背強多知雲

漫隴樹魂應斷歌按秦樓夢不成

唐李太白作樂府有秦樓月

幸自

正平人不識賺他為賦被時輕

後漢補衡字正平有鸚鵡賦云顧六翮之殘毀

雖奮迅其馬如云云

唐詩鼓吹卷四